



www.BibleForChildren.org



यूहन्ना 14



ईसू हर कहीस, “तुमन कर मन हर बेयाकुल झईन होए, तुमन परमेस्वर कर ऊपरें बिस्वास रखा, अऊ मौरोच ऊपरें बिस्वास रखा। मोर दाऊ कर घरे ढेरेच अकन रहे कर जघा हवे, अगर नई रतीस, त मंए तुमन के कईह देतें, काबरकि मंए तुमन बर जघा तियार करे जाथों। जब मंए जाए के, तुमन बर जघा तियार करहूं, त फेर आए के मंए तुमन के अपन ठन ले जाहूं, तेमेकि जिहां मंए रहूं उहां तुंहच मन रईहा।”



मंए तुमन कर भाई यूहन्ना लागों अऊ ईसू बर मंए
तुमन कस दुख सहथों अऊ ओकर राएज में तोर
कस मंहू सामिल हवों, अपन दुख ला तुमन


कस धीरज ले सहथों, परमेस्वर
कर बचन कर परचार कर



चलते; अऊ ईसू कर
गवाही देहे कर चलते
मंए पतमूस नांव कर
टापू में रहें।



मंए तुरतेंच पबितर आत्मा कर काबू में आए गयें, त मंए
देखें कि एगोट सिंहासन सरग में मढ़ावल हवे अऊ ओ
सिंहासन में कोई बईठे रहीस।




फेर मंए सरग में अऊ धरती में अऊ धरती कर खालहे अऊ
समुंदर कर सब सिरजल जीव मन ला अऊ सब जाएत ला
जेमन ओमें हवें, एकस गावत सुने,
“जेहर सिंहासन में बईठीस हवे,
ओकर अऊ भेंड़ी छउआ कर इस्तुती
अऊ आदर अऊ महिमा अऊ राएज,
जुग-जुग ले रहे।”




तब मंए पबितर सहर, मनेकि नांवा यरूसलेम ला सरग ले,
परमेस्वर जग ले उतरत देखें। ओहर ओ दुलही कस सुघर
सफरे रहीस, जेहर अपन दुल्हा बर सफरे रथे। तेकर मंए
सिंहासन में ले कोनो ला बड़खा अवाज ले एकस कहत सुने,
“देख, परमेस्वर कर डेरा हर मईनसे मन कर मझार में हवे!


परमेस्वर हर
ओमन कर संगे
डेरा करही अऊ
ओमन ओकर
मईनसे होहीं।
परमेस्वर हर खुद
ओमन कर संगे रही
अऊ ओमन कर अपन
परमेस्वर होही।”



फेर ओ सरगदूत हर मोके बिलोर कस मनेकि एकदम सफा
कांच कस झलकत जिनगी देवईया पानी कर नदी ला
देखाईस। ओ नदी हर परमेस्वर अऊ भेंड़ी छउआ कर
सिंहासन ले निकेल के, ओ नांवा यरूसलेम सहर कर डगर
कर बीचो-बीच में बहत रहीस।



ओ सहर में बेर अऊ जोन कर इंजोर कर जरूरत नई रहीस,
काबरकि परमेस्वर कर महिमा ले ओमे इंजोर होवत हवे अऊ
भेंड़ी छउआ हर ओकर ढेबरी लागे।



बकिन ओमे कोनो असुध चीज चाहे घिनक काम करोईया
मन, चाहे झूठ कर बोलोईया मन, कोनो किसीम ले ओ
सहर में दुके नई पाहीं। सिरीप ओ
मईनसे मन दुके पाहीं, जेमन
कर नांव हर भेंड़ी छउआ कर
जीवन कर किताब
में लिखल हवे।




“ओ परमेस्वर हर ओमन कर आंखी ले सब आंसू
ला पोंएछ दारही; अऊ एकर पाछू मिरतु नई रही,
न दुख, न बिलाप, अऊ न पीरा रही;
काबरकि पहिलो बात हर बीत गए रहीस।”



अब ले उहां कोनो सराप नई होही। परमेस्वर अऊ भैंड़ी छउआ
कर सिंहासन ओ सहर में होही। परमेस्वर अऊ भैंड़ी छउआ
कर सेवक मन, ओमन कर सेवा करहीं। ओमन परभू
परमेस्वर ला आमने-सामने देखहीं अऊ ओकर नांव
ओमन कर कपार में
लिखल होही।



तेकर मंए छोटे ले बड़े तक सब मरल मईनसे मन ला,
सिंहासन कर आगू में ठड़होवल देखें। किताब मन ला खोलल
गईस, फेर एगोट अऊ किताब मनेकि जीवन कर किताब ला
खोलल गईस। ओ किताब मन में लिखल बात मन कर
आधार में ओ मरल मईनसे मन कर काम कर
अनुसार नियाओ करल गईस। जेकर नांव
जीवन कर किताब में लिखल नई
मिलीस, ओके ला आगी
कर दह में
डालल गईस।



पबितर आत्मा अऊ दुलही दुनों कथें, “आओ” अऊ सुनईयो
मन कहें, “आओ!” जेहर पियासल हवे, ओहर आए। जे कोनो
हर चाहथे, ओहर जिनगी देवईया पानी ला सेंथिया में ले।



काबरकि परमेस्वर हर, दुनिया कर
मईनसे मन जग एतना मया करीस, कि
ओहर अपन एकेच ठे बेटा ला दे देहीस,
तेमेकि जे कोनो ओकर ऊपरे बिस्वास
करही, ओहर नास नई होही,
बकिन अमर जिनगी पाही।



रोमी 3:23

काबरकि सब झेमन पाप करीन हवें, अऊ परमेस्वर कर महिमा
ले दुरिहां होए गईन हवें।

रोमी 6:23

काबरकि पाप कर मजदूरी तो मिरतु लागे, बकिन परमेस्वर कर
बरदान, हमर परभू मसीह ईसू कर जरिए अमर जिनगी लागे।

इबरानी 9:27

जेकस कि मईनसे मन बर एक बार मराई अऊ ओकर बाद ओकर
नियाओ होवाई तय हवे।



इफिसी 2:8,9

काबरकि परमेस्वर हर अपन किरपा ले, बिस्वास कर द्वारा तुमन कर उद्धार करीस हे अऊ एहर तुमन कर अपन कर्ती ले नई होईस हवे, बलकि एहर परमेस्वर कर दान लागे। उद्धार हर मईनसे कर अपन करम करे कर चलते नई होईसे, तेमैकि कोनो मईनसे हर घमंड झईन करे।

रोमी 10:9,10

अगर तंए अपन मूंह ले कबूल करथस कि ईसू हर मोर परभू लागे अऊ अपन मन में बिस्वास करथस कि परमेस्वर हर ओके मरल में ले जियाईस, त तंए फुरोंच में उद्धार पाबे। काबरकि जे कोई हर अपन हिरदय में बिस्वास करथे, ओहर परमेस्वर कर नजर में बेकसूर बनथे अऊ अपन मूंह ले, बिस्वास ला कबूल करे कर चलते उद्धार पाथे।



यूहन्ना 3:16,17

“काबरकि परमेस्वर हर, दुनिया कर मईनसे मन जग एतना मया करीस, कि ओहर अपन एकेच ठे बेटा ला दे देहीस, तेमेकि जे कोनो ओकर ऊपरे बिस्वास करही, ओहर नास नई होही, बकिन अमर जिनगी पाही। परमेस्वर हर अपन बेटा ला संसार में एकर बर नई भेजीस, कि ओहर संसार ला दंड दे, बकिन एकरले भेजीस कि संसार हर ओकर द्वारा उद्धार पाए।”

1 यूहन्ना 5:11-13

ओ गवाही एहर लागे कि परमेस्वर हर हमके ला अमर जिनगी देहीस हे, अऊ ए जिनगी हर ओकर बेटा में हवे। जेकर जग परमेस्वर कर बेटा हवे, ओकर जग अमर जिनगी हवे अऊ जेकर जग परमेस्वर कर बेटा नईए, ओकर जग अमर जिनगीयोच हर नईए। जेमन परमेस्वर कर बेटा कर नांव में बिस्वास करथा, तेमन ला मंगे ए बात एकर बर लिखत हों, ताकि तुमन जाएन लेआ कि अमर जिनगी तुमन कर हवे।



यूहन्ना 14; 2 कुरिन्थी कर चिट्ठी 5;
परकासितवाक्य 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Surgujia NT (sgj) © (Active) Wycliffe Bible
Translators, Inc. All rights reserved.

<https://live.bible.is/bible/SGJWIN/MAT/1>

©2026 Bible for Children, Inc.

www.M1914.org

www.bibleforchildren.org

